

Colpu invirsatu “perfumanza” (“back-hand”)

Passa longa (da quindici à trenta metri)

Tutti i reguli d’azzioni precedenti sò à ripiddà cù qualchi sfarenzi notabili.

- Una preparazioni di u gestu à l’altezza di a spada, in daretu
- Un finalu in faccia à a sibula, u bracciu chî pula tesu à l’altezza di a spada (Puntatu in un’ assu vultatu à dritta di a sibula).

In fattu, si u lentu si faci sempri in u pianu di i spaddi (lintadori di prufilu, di pettu à a sibula) vitezza, l’intensità di u gestu è a vulintà d’avè una forza propulsiva à nantu à u discu u più mori pussibili ublicheghjani quiddu chî lenta à cuntinuà u so movimentu di bracciu è di corpu versu à a dritta dopu à avè lintatu u discu .Si pò, par paraconu ammintà u gestu finalu di u bracciu mancu d’un ghjucadori di base ball vinendu di minà a balla, o tuttu simpliciamentu a fini di un colpu invirsatu à u tennis.

- Un bulu (vulu) à 1.50m/12m di u tarrenu.

Colpu invirsatu chi bula

Passa longa (più di vinti metri)

Stu colpu permetti di fà una passa longa versu un locu indu u cumpagnu di ghjocu ùn hè ancu ghjuntu. U discu parti dopu à u cumpagnu di ghjocu, u doppia è ghjunghji nanzi à eddu in zona di catch par chî in fini di bulu (vulu), pari ralintiscia cù un bulu (vulu) stazziunariu nanzi di ricascà. Dopu stu mumentu di bulu (vulu) stazziunariu, si eddu ùn hè richjappatu, u discu casca in principiu a plattu stendu quagiu à nantu à piazza à u locu di u scontru cù a tarra (o cuntinuendu à avanzà lighjeramentu vultendu à nantu à eddu). Sta passa scambia di u colpu invirsatu perfurmanza, addrizzatu à un partinariu dighjà in piazza versu l’avanti..

I criteri di rialisazioni (piazzamentu è gestu) sò listessi cà quiddi di u colpu invirsatu perfurmanza, ma u lintà si faci à l’altezza di a faccia è u principiu di u slanciu si faci à l’altezza di a spada in daretu.